

BOSNA I HERCEGOVINA

FEDERACIJA BOSNE I HERCEGOVINE

SREDNJOBOSANSKI KANTON/KANTON SREDIŠNJA BOSNA

KANTONALNO TUŽILAŠTVO/KANTONALNO TUŽITELISTVO

T R A V N I K

Broj: T06 0 KT RZ 0006419 12

Travnik, 05.01.2015.godine

KANTONALNOM SUDU U NOVOM TRAVNIKU

Sudiji za prethodno saslušanje –

NOVI TRAVNIK

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem:

O P T U Ž N I C U

PROTIV: MARINKO STOJANOVIĆ, , rođen dana 04.02.1970. godine u mjestu Brizje,

ŠTO JE tokom rata u Bosni i Hercegovini i u vrijeme oružanog sukoba između Armije BiH i HVO-a na području Kiseljaka, kao pripadnik HVO-a, VP 1751 Kiseljak, PPN „Maturice“, zajedno sa D. L. zvanim B. i još jednim nepoznatim pripadnikom HVO, postupao suprotno odredbama člana 3. Ženevske konvencije o zaštiti civilnih osoba tokom rata od 12.08.1949. i člana 4. stav 1. i 2. tačka a) Dodatnog protokola II uz Ženevske konvencije o zaštiti žrtava nemeđunarodnih oružanih sukoba od 8.juna 1977.godine, pa je tako:

Dana 18.07.1993.godine, zajedno sa D. L. zvani B., koji je kasnije poginuo i još jednim nepoznatim pripadnikom HVO, u mjestu Duhre, općina Kiseljak u večernjim satima, uz upotrebu sile i prijetnje iz kuće, prinudili „A“ i mldb. * . * da uđu u vozilo varburg na zadnje sjedište, koje je bilo parkirano uz stepenice kuće, dok je H. A. pokušala da ih spriječi da odvedu „A“ i mldb. * *, pri čemu je zadobila udarac puškom u glavu od čega se onesvjestila, da bi Marinko Stojanović upravljao vozilom, dok je na mjestu suvozača bio D. L., te nakon što su došli do kuće R. O., a koja je bila napuštena od stanara, u mjestu Duhre, ušli zajedno sa „A“ i mldb. ** u kuću, nakon čega je D. L. odveo na silu oštećenu „A“ u drugu sobu i nasrtao na nju, dok je oštećena „A“ plakala i zapomagala u pomoć, da bi u jednom trenutku u sobu ušao Marinko Stojanović i zaprijetio istoj da će je zaklati nožem ako se ne prestane opirati i zapomagati, te je tada oštećenu „A“ upotrebom prijetnje i sile D. L. silovao, da bi potom Marinko Stojanović ušao u sobu ponovno, pa je upotrebom prijetnje i sile držeći u ruci nož usmjeren prema oštećenoj „A“,

silovao istu i primorao je na oralni seks, te je ista bila sva krvava i oblivena tekućinama, a za koje vrijeme je mlđb.
** bila u drugoj prostoriji sa nepoznatim pripadnikom HVO-a.

Dakle, kršeći pravila međunarodnog humanitarnog prava izvršio silovanje jedne civilne osobe.

ČIME JE UČINIO krivično djelo Ratni zločin protiv civilnog stanovništva iz člana 142. stav 1. preuzetog KZ SFRJ u vezi sa članom 22. KZ SFRJ